

Transkript konferencije za medije međunarodnih organizacija

*OHR, Mario Brkić
OSCE, Elmira Bayrasli
EUPM, Zinaida Ilaria
EUFOR, Rolf Kurth
NATO, Derek Chappell*

OHR

Visoki predstavnik razgovara sa klubovima stranaka u parlamentu FBiH

Visoki predstavnik će se kasnije tokom dana susresti sa političkim predstavnicima stranaka u parlamentu FBiH. Razgovor će se fokusirati na reformu policije te posebno na nadolazeće važne pregovore koji će se održati na Vlašiću od 24. do 27. ovog mjeseca.

Konsultativna radna skupina Europske komisije u BiH stiže 19 sljedećeg mjeseca kako bi procijenila napredak po pitanju zahtijeva iz Studije izvodljivosti. BiH lideri sada moraju postići formalni sporazum o policijskoj reformi ili preuzeti odgovornost za odlaganje u daljem procesu približavanja EU.

Temeljem 3 principa EU koji zahtijevaju (1) sve zakonske i proračunske nadležnosti moraju biti prebačene na državnu razinu (2) policijski poslovi moraju se provoditi u funkcionalnim područjima (3) ukidanje političkog miješanja u operativne policijske poslove, ovi pregovori BiH mogu osigurati dobar sustav obavljanja policijskih poslova sa kojim se može dobiti bitka protiv kriminala.

Sa činjenicom da je Europska Komisija prošli tjedan notirala ispunjenje Studije izvodljivosti od strane Srbije i Crne Gore jasno je da je prioritet BiH susjeda članstvo u EU, a ne destruktivna politika i savez sa prošlošću. Vodeći ljudi u BiH političari, kako u vlasti tako i u oporbi sada imaju mogućnost pokazati građanima BiH kako i oni imaju isti europski cilj te da su u stanju odvesti BiH u Europu.

Prvi zamjenik visokog predstavnika Larry Butler posjetiće Banjaluku i razgovarati o fiskalnoj reформи i reformi policije

Prvi zamjenik visokog predstavnika danas je u Banjaluci gdje će se sastati sa premijerom Republike Srpske, Perom Bukejlovićem, ministrom financija, Svetlanom Cenić, predsjednikom Narodne skupštine RS, Dušanom Stojičićem, predsjednikom SNSD-a, Miloradom Dodikom i predsjednikom RS, Draganom Čavićem.

Tokom razgovora biće riječi o koracima koji su poduzeti da bi se osiguralo približavanje BiH članstvu u EU. Među zahtijevanim koracima su popuna Vijeća ministara BiH sa ministarstvima, odjelima i institucionalnom sposobnošću koja je neophodna za pregovore o Sporazumu o stabilizaciji i pridruživanju sa EU. Trenutno, očajno limitirana sredstva troše se na dupliranje usluga i funkcija na entitetskom, državom i svim nivoima. Prvi zamjenik Butler razgovaraće o potrebi da Radna grupa za fiskalnu održivost, koju su tri ministra financija formirala u veljači, krene naprijed sa svojim zadatkom da identificira načine na koje birokracija može biti racionalizirana i na koji način može efikasnije služiti građanima BiH.

Veleposlanik Butler obratit će se političarima Republike Srpske i govoriti o pregovorima u svezi policijske reforme utemeljene na izvješću Povjerenstva za reformu policije. Kao što vam je poznato, visoki predstavnik je započeo proces koji

će okupiti stranke koje mogu osigurati parlamentarnu većinu za restrukturiranje policije.

Evropska komisija je jasno postavila parametre za moderniziranje policijske službe u BiH koje bi omogućilo da BiH napravi pomak u procesu stabilizacije i pridruživanju EU. Evropska komisija zahtijeva da sve zakonodavne i budžetske nadležnosti moraju biti prebačene na državnu razinu; policijske službe moraju biti temeljene na geografskim regijama formiranje kako bi se osigurala maksimalna učinkovitost; te se mora isključiti političko uplitanje u rad policije u BiH.

Veleposlanik Butler obratio se sinoć gradonačelnicima na sastanku u Brčkom, na kojem je pozvao općinske lidere da se uključe u debatu diljem BiH oko političke i ekonomske reforme. Konstatirao je da su općinska pitanja državna pitanja a državna pitanja su općinska pitanja, jer reforme na državnom nivou utječu na općine te se mogu provesti učinkovito putem općina. Kopiju njegovog govora možete pronaći na web stranici OHR-a.

OSCE

Kako bi obezbijedili sažeti pregled bh. međunarodnih obaveza, kao i trenutno postojeće strukture i nadležnosti, Misija OSCE-a u Bosni i Hercegovini je napravila izvještaj pod nazivom „Podizanje debate: da li BiH poštuje svoje međunarodne obaveze na polju obrazovanja – pitanja za građane BiH“. U izvještaju se razmatra implementiranje ovih obaveza širom BiH, i promoviranje ciljeva prema kojima sva djeca imaju pristup kvalitetnom obrazovanju, kao i poštivanje prava sve djece.

Bosna i Hercegovina je potpisnica mnogih međunarodnih sporazuma o obrazovanju, koji obavezuju državu da primijeni specifične obrazovne standarde u zemlji. Ovi sporazumi, uopćeno, promoviraju iste principe: pristup, dostupnost,

prihvatljivost, efikasnost i službeno priznavanje diploma, nediskriminaciju, odsustvo segregacije u obrazovanju, te obavezu održavanja i nastavka reforme.

Ovaj izvještaj se sastoji od tri djela: „Međunarodne obaveze BiH na polju obrazovanja“; „Ustavna struktura BiH na polju obrazovanja“; i „Da li postojeći obrazovni sistem u BiH poštuje međunarodne obaveze?“

Kako se fokusiranost BiH pomjera sa kratkoročnih ciljeva, predviđenih Strategijom reforme obrazovanja, ka dugoročnim ciljevima, koji mogu osigurati da obrazovni sistem funkcioniра u korist svih građana, sada je pogodno, i štaviše, od esecijalnog značaja da se sagleda trenutni napredak BiH ka implementaciji njenih međunarodnih obaveza na polju obrazovanja.

Sa postojećih 13 ministarstava obrazovanja u BiH, na populaciju od 3.8 miliona, sistem je i dalje izuzetno razdvojen. Dok Ministarstvo civilnih poslova na državnom nivou obavezuje BiH, kao državu, na međunarodne obaveze, kao što su Lisabonska deklaracija o prepoznavanju, državno ministarstvo nema mogućnosti osiguranja ispunjavanja ovih obaveza, ili efikasnog koordiniranja obrazovne inicijative, kao ni osiguranja harmonije između različitih obrazovnih inicijativa širom zemlje.

Ovaj izvještaj nema za cilj preporučavanje određenih rješenja, ili čak davanje preporuka o tome kako se vlasti i građani BiH trebaju postaviti prema ovim problemima. Štaviše, ovaj izvještaj postavlja pitanja koja su potrebna, a koja predstavljaju prvi korak ka formulaciji ovih rješenja, o kojima se mora diskutirati, raspraviti i na kraju, oko kojih se moraju složiti lokalne vlasti, obrazovni stručnjaci, direktori škola, roditelji, učenici i drugi građani BiH.

Misija OSCE-a u BiH predviđa da će ovaj izvještaj pomoći u pokretanju debate širom BiH o napretku obrazovne reforme, kao

i o efikasnosti obrazovnih struktura.

EUPM

Komesar Carty razgovara sa dužnosnicima u Brčkom o restrukturiranju policije

Ključni principi restrukturiranja policije, kao jednog od uslova koje je Europska unija postavila pred Bosnu i Hercegovinu, biti će glavna tema razgovora koje će šef Policijske misije Europske unije komesar Kevin Carty imati tokom svoje današnje zvanične posjete Brčko Distriktu.

Komesar Carty će se prvo sasatati sa šefom policije Brčko Distrikta, a kasnije i sa gradonačelnikom Brčkog.

Komesar će iskoristiti priliku da naglasi značaj restrukturiranja policije i uticaj koji će taj proces imati na budućnost ove zemlje i njenih građana. On će također ponoviti da je glavni cilj procesa reforme stvaranje profesionalne policije, odgovorne građanima i efikasne u borbi protiv kriminala.

Nastavak javnih tribina EUPM-a i OHR-a

Policijska misija Europske unije (EUPM) i Ured visokog predstavnika organiziraju javne debate širom BiH kako bi građanima Bosne i Hercegovine objasnili osnovnu svrhu i prednosti reforme policije.

Ove će sedmice javne tribine biti održane: 19. aprila u Derventi, sa početkom u 18 sati u Dom Vojske RS, 20. aprila u Banja Luci, u 18.00 sati u maloj sali Banskog Dvora i 21. aprila u Kulturnom centru u Brčkom.

Tokom protekla dva mjeseca osoblje EUPM-a i OHR-a je obišlo 25 različitih lokacija u RS i Federaciji BiH i održalo više od 50 sastanaka na kojima su razgovarali s građanima, policijom i

predstavnicima vlasti o procesu restrukturiranja policije. Objašnjeno je da se reforma policije odnosi jedino na stvaranje profesionalne policije, odgovorne građanima i efikasne u borbi protiv kriminala.

EUFOR

Nije bilo izjava.

NATO

Nije bilo izjava.

Odgovori na pitanja

Novinar:

Jučer je komandant NATO štaba izjavio da postoje indicije, mada ne i precizni dokazi, da su događaji u kasarnama u RS-u bili izrežirani. Da li ste u međuvremenu dobili kakve dokaze? Drugo pitanje, da li već imate informacije da je izvještaj ministra odbrane Republike Srpske spreman? Izvještaj treba da podnese komandantu NATO štaba do sutra.

NATO:

Kao što znate sa jučerašnje konferencije za medije, izvještaj se sastavlja. Nama će biti predat sutra (u vezi sa subotnjim događajima). Još nismo primili izvještaj. Mislim da ne bi bilo mudro komentarisati činjenice iz ovog slučaja prije nego dobijemo rezultate istrage koju provode kompetentne vojne vlasti.